

四庫全書

史部

欽定四庫全書

唐大詔令集卷一百二十九

宋 宋敏求 編

蕃夷

冊文

冊宸厥李思摩為可汗文

冊踈勒國王文

冊莫賀咄吐屯為順義王文

冊寔厥苾伽骨吐祿為可汗文

冊骨吐祿三姓毗方伽頡利發文

冊寔騎施黑姓可汗文

冊回紇為英武威遠可汗文

冊新羅王金乾運文

冊新羅王太妃文

冊新回鶻可汗文

冊回鶻可汗加號文

冊回鶻彰信可汗文

大中十一年冊回鶻可汗文

盟文

扶餘與新羅盟文

與吐蕃會清水盟文

賑卹

遣使賑卹撫回鶻制

捨雪

原吐谷渾制

宥吐谷渾詔

洗雪平夏党項德音

冊文

冊突厥李思摩為可汗文

於戲突厥部衆代居沙漠尤戒纔舉龍城克定三部種  
類十角酋渠咸襲冠帶俱為臣妾朕光宅六合亭育萬  
品爰降大造存其亡國既復故庭乃樹君長惟爾右武

侯大將軍化州都督懷化郡王李思摩器量明遠識用  
弘通地稱貴種望高賜姓忠孝之節簡於朕心明智之  
材重於蕃落朕是用命爾為乙彌泥孰侯利苾可汗傳  
之子孫為唐蕃屏上鑒自古下親近代守誠節者咸保  
其國人為凶惡者必及於覆敗往欽哉爾其鑒茲往事  
祇聽朕言奉國以丹赤為先御下以信義為本勉正爾  
身勤卹爾衆無昵邪佞無遠忠良無自驕奢無逞貪暴  
兢兢業業以綏爾疆土可不慎歟

貞觀十三年七月

冊踈勒國王文

維開元十六年歲次戊辰正月戊辰朔十四日辛亥皇帝  
若曰萬邦述職無隔華夷五等疏封式固藩屏咨爾疏  
勒阿摩支知王事左武衛將軍員外置裴安定誕靈蒲  
海稟秀蔥山緼義以立名蹈仁而成德雖日月所照莫  
非王土而烽燧時驚猶曰虜庭遂能捍彼邊陲歸我聲  
教載闡疇庸之義俾弘利建之風今遣大理正攝鴻臚  
少卿喬夢松冊爾為疏勒王於戲允迪由庚勿替敬典

綏厥戎落水為漢藩往欽哉

冊莫賀咄叱為順義王文

維開元二十八年歲次庚辰三月丁亥朔十二日戊  
申皇帝若曰於戲茂秩攸升疏封有命寵榮斯及必在  
英賢咨爾石國王莫賀咄叱代襲誠節器標果斷盡  
忠淳化作捍藩陲頃以蘓祿殘妖尚為邊梗乃能因其  
隣國授以良圖候彼疆場相為表裏致令克清邊徼遠  
輯殊方實賴心膂載宣勲力靜言褒異非爾而誰是用

冊爾為順義王爾其敬慎王猷撫寧部衆永保藩輔可不慎歟

冊突厥苾伽骨吐祿為可汗文

維開元二十八年歲次庚辰三月丁亥朔二十六日壬子皇帝若曰於戲乃瞻陰方代有君長至於膺我盛禮榮彼殊隣必擇其人謀無虛授咨爾突厥苾伽骨吐祿可汗氣稟崆峒材雄朔漠見事無惑執心不渝先代以來結好中國自繼承舊業克維前修遠遣使臣來朝闕

下義之所感情實加焉不有褒稱孰彰忠順是用冊爾  
為可汗今遣從弟左金吾衛將軍質持節札冊往欽哉  
可汗其丕承徽章益勵名節永保多福以昭后昆可不  
慎歟

冊骨吐祿三姓毗方伽頡利發文

維天寶十二載歲次癸巳九月己亥朔六日甲辰皇帝  
若曰咨爾骨吐祿伊難如三姓毗方伽頡利發夫崇德  
報功帝王之事講信修睦人臣之禮卿久佐藩部備吏

卷一百二十九  
戎落知薦居不可以苟安早賓朝化蕃俗不能自理  
遠仗皇威深悟正變之通克知成敗之理豈惟款塞之  
懇常有捍邊之心言志披誠有增嘉歎今授卿左羽林  
軍大將軍員外置同正員兼賜冊書鉄券永執蕃禮無  
替華風克終令名常保祿位可不慎歟

冊突騎施黑姓可汗文

維天寶十二年歲次癸巳九月巳亥朔六日甲辰皇帝  
若曰咨爾骨咄祿毗伽突騎施黑姓可汗特進登里伊

羅密施立國推姓表賢在忠既効信以推誠亦旌忠而  
懋賞卿才略備舉知勇兼資強足抗敵威能率下故得  
甲兵孚訓族類懷仁既嚮順以移風亦事大而知禮是  
用載加顯秩式崇錫命今授卿特進為突騎施可汗卿  
敬勉良圖光昭盛典保我疆場惡我寇讎俾業固山河  
福綏種落永私恩寵可不慎歟

冊回紇為英武威遠可汗文

賈至

維至德二年歲次丁酉十一月某日皇帝若曰夫定禍

亂者曰武建功名者曰義惟武與義是謂明德回紇毗  
伽可汗生而英姿邁越前古代濟威赫主祀北天與唐  
唇齒累葉姻好安祿山竊弄邊兵暴亂中夏誘脅戎卒  
毒蠱黎人而可汗感激義動天地爰命葉護統率銳師  
叶贊官軍驅除兇逆或掎其足或角其首一旬之內雍  
洛掃清振古已來義莫斯大朕是用式遵典禮封崇  
徽號敬冊可汗為英武威遠可汗每載賞絹五萬疋於  
戲陰陽和而天地泰四時和而萬物阜北土未靖有唐

封而固之中原多難可汗義而助之惠好和洽與日月  
永子孫百代克享鴻休欽哉其無替朕命

冊新羅王金乾運文

常袞

維大厯三年歲次戊申正月朔二十八日皇帝遣某官  
某乙持節冊命曰於戲建萬國者不獨於中夏嗣一姓  
者必求於令德咨爾新羅王金憲英男乾運爰自祖宗  
撫有東表克生明懿載茂勲伐采章文物久治華風忠  
敬孝恭率由純性用藩君子之國能執外臣之禮夫繼

代之重擇賢而立是用建爾冢社祚于青丘敬其所守  
纂其舊服忠以奉上惠以撫下永修東蕃之職無替先  
君之命肅膺典禮可不慎歟

冊新羅王太妃文

維大歷三年歲在戊申二月景子朔十日皇帝使某官  
某乙持節冊命於戲于承家嗣作藩輔之臣每加尊稱  
蓋春秋之義咨爾新羅王金乾運母素推勲族雅有華  
風其德可尚其儀可則鑒於圖史式是禮容儼東方君

子之國處中壺貴人之位事上以敬接下以仁睦我親  
隣亦資內助有教子之明訓膺繼代之新命固可以崇  
峻徽章光昭盛德是用冊曰新羅王太妃脩乃慈範撫  
其嗣君永懷前人無改其道欽承典冊可不慎歟

冊新回鶻可汗文

白居易

維長慶元年歲次辛丑四月丙寅朔二十一日丙戌皇  
帝若曰唐有天下垂一百載列聖垂拱八荒即叙舟車  
之所及日月之所照威綏仁量罔不向化惟此之氣積

厚而靈靈發象生生象豪傑義信武烈代為名王南西  
東方亦有君長其雄圖闢智莫之與京國朝已來寢清  
風澤或効功伐或申昏媾同和協比以訖於今今朕不  
德繼嗣大統推義布信以初為常矧乎柔遠申恩睦隣  
典禮茲惟舊典垂自祖宗虔奉恭行安敢失墜咨爾九  
姓回鶻君登里羅羽錄沒密施句主錄毗伽可汗地生  
奇特天賜勇智英姿所蒞雄畧所加諸戎雜虜愛畏率  
服風靡山立清寧一方宜人有土受天百祿時惟代嗣

實來告子曰予一人實降冊命是用遣使朝議大夫檢  
校左散騎常侍兼少府監御史大夫雲騎尉賜紫金魚  
袋裴通副使朝議大夫守少府少監兼御史中丞襲衛  
國公食邑三千戶賜紫金魚袋賈璘等持節備物冊為  
登里羅羽錄沒密施句主錄毗伽可汗於戲善必有隣  
德無不答此崇恩禮則彼竭信誠克保大義永藩中夏  
昭昭天地實聞斯言

冊回鶻可汗加號文

維長慶元年歲次辛丑某月朔某日皇帝若曰北方之  
強代有君長作殿立朔賓於皇唐粵我祖宗錫乃婚媾  
五聖六紀二邦一家此無北伐之師彼無南牧之馬兵  
匣鋒刃使長子孫叶德保和以至今日咨爾回鶻君登  
里羅羽錄沒密施句主錄毗伽可汗義智忠肅武力勇  
健天之所授時而後生故東漸海夷西亘山狄惠寧威  
制鱗帖草偃聲有聞於天下氣無敵於荒外而能事大  
圖遠納忠進賢請仍舊姻誓嗣前好朕惟睦鄰是務柔遠

為心既降和親之命遂申納配之禮禮物大備寵章有  
加喜動陰山光增昴宿夫以回鶻雄桀如彼慶榮若此  
雖自貴曰天驕子未稱其盛雖自號曰天可汗未稱其  
美宜賜加號以大誇將來今遣使某官副使某官某等  
持節加信義勇智雄重貴壽天親可汗於戲隆降展親  
大德也進冊加號大名也宜思大德稱大名懋哉始終  
欽若唐之休命

冊回鶻彰信可汗文

維太和七年歲次癸丑某月日皇帝若曰王者運神功  
以清九有敷至德以柔四夷雖萬國建邦皆有君長而  
一時縟禮特厚親隣用昭絕漢之榮式示徽章之貴克  
膺盛典允屬雄材咨爾九姓回鶻愛登里羅汨沒密施  
合句錄毗伽彰信可汗代濟公忠時推英毅剛明有守  
信實不渝總北方勁悍之師慕中華清淨之化克紹前  
訓實懷遠圖慶叶承家願申永好彼無侵軼此務綏安  
兩國咸歡六姻彌重事大之義而志合春秋相向之誠

而皎智月信使旁午輳幣交馳詞意綢繆禮自恭恪是  
嘉誠信宜賜寵光必飾虔受新恩纂乃舊服今遣使寧  
遠將軍兼御史大夫上柱國紫金魚袋嗣唐王弘實副  
使大夫將作少監兼御史中丞賜紫金魚袋嗣澤王  
容等持節備禮為九姓回鶻愛登里羅汨沒密施合句  
錄毗伽彰信可汗於戲海內四域惟唐舊封天下一家  
與我同軌今茲典布於神明爾其慎固封疆祇守名器  
罔墜先烈載揚今猷欽承禮文以作來範

大中十一年冊回鶻可汗文

皇帝若曰我國家誕膺天命光澤中土君臨九有包舉  
八荒聲教所加冊命咸及而況回鶻北方之強代濟之  
烈惠行鄰境俗慕華風立國以來嘗效臣節代為甥舅  
每歲通和推誠不疑為我與國當會昌之際自屬天灾  
人罕粒食上下離散牙帳為靈地多種落所侵國甚委  
離之難自登寶祚每軫素懷爰發使臣訪其後嗣輶車  
既出蕃使員來咨爾回鶻可汗挺此雄材生於貴族能

收既絕之燼常懷再振之心願嗣天驕載歸地着發使  
請命誠辭可哀夫親仁善隣國家之寶興滅繼絕王者  
之宜况朕布德滂仁施於海外爾乃堅誠勵節行乎域  
中所以公侯子孫道在必復華夏屏衛理宜長存既將  
還定舊封式承隆緒克紹崇媾用迓鴻休今遣使臣朝  
議郎檢校秘書監兼衛尉少卿御史中丞上柱國賜紫  
金魚袋王端章副使臣朝議郎檢校尚書工部郎中兼  
國子禮記博士御史賜緋魚李潯持節備禮冊命為九

姓回鶻溫祿登里羅汨沒密施合俱錄毗伽懷建可汗  
爾其服我恩榮膺茲位號勉修前好恢復故疆宜克已  
於蹕林長歸心於魏闕無怠爾志永孚於休

大中十年十二月

### 盟文

#### 扶餘與新羅盟文

往者百濟先王迷於逆順不敦隣好不睦親姻結托高  
肅交通倭國共為殘暴侵削新羅剽邑屠城畧無寧歲  
天子憫一物之失所憐百姓之無辜頻命行人遣其和

好負險恃遠侮慢天經皇赫斯怒共行弔伐旌旗所指  
一戎大定固可瀦宮污宅作誠來裔塞源拔本垂訓後  
昆然懷柔伐叛前王之令典興亡繼絕往哲之通規事  
必師古傳諸曩冊故立前百濟太子司稼正卿扶餘隆為  
熊津都督守其祭祀保其桑梓依倚新羅長為與國各  
除宿憾結好和親恪承詔命永為藩服仍遣使人右威  
衛將軍魯城縣公劉仁願親臨勸諭具宣成旨約之以  
婚姻申之以盟誓刑牲歃血共敦終始分灾卹患恩若

弟兄祇奉綸言不敢失墜既盟之後共保歲寒若有背  
叛不恒二三其德興兵動衆侵犯邊陲明神鑒之百殃  
是降子孫不育社稷無守裡祀磨滅罔有遺餘故作金  
書鉄券藏之宗廟子孫萬代無敢或犯神之聽之是饗

是福

麟德二年八月

### 與吐蕃會清水盟文

唐有天下恢奄禹跡舟車所至莫不率俾以累聖重光  
歷年惟永彰王者之丕業被四海以聲教與吐蕃贊普

代為婚姻固結隣好安危同體甥舅之國將二百年其  
間或因小忿棄惠為讎封疆騷然靡有寧歲皇帝踐祚  
愍茲黎元俾釋俘囚以歸蕃落蕃國展禮同茲叶和行  
人往復累布成命是必詐謀不起兵革不用矣彼猶以  
兩國之要求之永久古有結盟今請用之國家務息邊  
人外其故地棄利蹈善堅盟從約今國家所守界涇州  
西至彈箏峽西口隴州西至清水縣鳳州西至同谷縣  
暨劍南西山大渡水東為漢界著國守鎮在蘭渭原會

西使臨洮東至成州抵劔南西界磨些諸蠻大渡水西南為蕃界其兵馬鎮守之處州縣見有居人彼此兩邊見屬漢諸蠻以今所分見住處依前為定其黃河以北從故新泉軍直北至大磧直南至賀蘭山駱駝領為界中間悉為閑田盟文所不載者蕃有兵馬處蕃守漢有兵馬處漢守並依見守不得侵越其先未有兵馬處不得新置并築城堡耕種今二國將相受辭而會齋戒將事告天地山川之神惟神照臨無得愆墜其盟文藏於宗廟副

在有司二國之成其永保之

建中四年正月

賑卹

遣使賑撫回鶻制

自古令王撫寧荒服忠於國者則有繫絕之恩順於道者則有固存之義所以原其鄉化優以報功回鶻累代姻親人修臣禮服我聲教保茲信誠嘗以國難識其忠良嚴霜見其貞松疾風知其勁草永言勲力豈忘予懷如聞訖訖斯攻兵折衆叛畜產大耗國又薦饑流離轉

徙遠逾沙漠近因大和公主遣使入朝已知新立可汗  
寓居塞下告窮請命未有所歸每念艱危載深憫惻今  
欲救恤窮困撫慰傷殘使四方知朕不忘舊勲報其大  
順昔匈奴乖亂呼韓近塞漢宣帝轉粟賑救權而施宜  
故得三代稱藩北邊罷警前王令典可不務乎宜令左  
金吾衛大將軍兼御史大夫王會持節充安撫大使宗  
正少卿兼御史中丞李師偃充副使專往慰問仍賑米  
粟二萬石俾其安輯離散漸就漢南再復舊疆永保恩

好宣示中外宜體朕懷

會昌元年十二月

捨雪

原吐谷渾制

伐罪弔人前王高義興亡繼絕有國令典吐谷渾擅相  
君長竊據疆場虔劉黎庶積惡既稔天亡有徵朕君臨  
四海含育萬類一物失所深責在余所以爰命六軍申  
茲九伐義存活國情非黷武其子大寧王慕容順隋氏  
之甥志懷明悟長自中土早慕華風爰見時機深識逆

順以其父懷諫違衆獨陷迷途遂誅邪臣存茲大計翻  
然改轍代父歸罪忠孝之美深有可嘉子能立功足以  
補過既往之釁特宜原免然其建國西鄙已歷年代即  
從廢絕情所未忍繼其宗祀允歸命肩可封順西平郡  
王食邑四千戶仍授趙胡呂烏甘豆可汗所司量遣使

人侍禮冊命

貞觀九年五月

宥吐谷渾制

文德懷遠列聖之弘規興亡繼絕至仁之通訓吐谷渾

發迹東胡竄居西域負險自固擅立君長爰在前代通  
使中原或為叛臣不恒厥德近者纂步薩體為主老而  
智昏迷而忘反志懷首鼠虔劉疆場朕頻命行人殷勤  
誘諭不納忠信之言唯行蜂蠆之毒及六軍問罪尚令  
申諭遂無懷草以至滅亡其子順困憾事窮措身無所  
委命下吏輿櫬轅門故命鮮網釋俘維其宗祀乃懷一  
志遵彼覆車曾未浹旬自貽屠戮子燕王諾曷鉢弱不  
好弄幼稱通理統纂舊業即逢內難故遣旌節遠申安

撫遂能率其種類同竭款誠盡落頃巢趨謁使者屈膝  
頓顙遵奉朝化請頒正朔願入提封丹誠內發深可嘉  
尚宜隆寵章懋茲賞典可封河源郡王食邑四千戶仍  
授烏地也拔勒顏可汗即遣使人備禮冊命

貞觀十  
年三月

洗雪平夏党項德音

平夏南山雖云有異源流風俗本貫不殊我國家累聖  
以來許居內地久奉聲教亦立功勞朝廷撫綏常存恩  
信近者邊陲之歸制御乖方遂有兇悍之徒不率父兄

之教或侵暴州鎮或攻掠道途告諭罔悛猖狂頗甚朕  
君臨區宇深念黎元凡曰含生皆同赤子但欲為民除  
害固非黷武佳兵再覩殺傷深多憫惻是以去年特雪  
平夏駢除南山及聞窮困無歸復有懷來之意遂令敏  
中李安業分統諸軍先示招携仍加訓練但知非則赦  
免不得已則誅鋤王者之師義實在此近得敏中狀申  
南山盡願歸降瀝懇輸誠唯思展効請般運糧料乞保  
護封閱具奏章深愜朕意昔者或有剽劫必推南山南

山或有寇攘亦指平夏既相非斥互說短長終難辨明  
祇益仇怨今則並從洗雪咸許自新但能各務安全  
相勸勉保其生業絕彼侵踰從前所有僭違自此一切  
不問准鹽州深居沙塞土乏農桑軍士衣糧須通商旅  
沿路堡柵事須修營令委李安業依朝廷制置差兵建  
築防守猶恐部落忘懷疑慮仍令李安業駐軍塞門朕  
之屈法從人斯為極矣若執迷不返干犯國章後悔難追

唐大詔令集卷一百二十九

欽定四庫全書

唐大詔令集卷一百三十

宋 宋敏求 編

蕃夷

討伐

命皇太子討稽胡詔

討吐谷渾詔

討高昌王麴文泰詔



討高廉詔

親征高廉詔

高廉班師詔

命呂休環北伐制

命薛納與九姓伐默啜制

命姚崇北伐制

討回鶻制

平亂

破高麗詔

降高麗頒示天下詔

破高麗賜酺詔

收復河湟德音

平党項德音

告廟

破薛延陀告廟詔

平戎告廟勅

討伐

命皇太子討稽胡詔

稽胡部類居近北邊習惡之徒未悉從化潛竄山谷竊懷首鼠寇掠居民侵擾亭候可令皇太子建成總統諸軍以時致討分命驍勇方軌齊駢跨彌山谷窮其巢穴元惡大憝即就誅夷駢掠之民復其本業行軍節度期會進止皆委建成處分

武德四年九月

討吐谷渾詔

近以吐谷渾恃其遐阻屢擾疆場肆行兇虐種類乖離  
爰命將士申茲弔伐有征無戰所向摧殄渠魁竄迹自  
貽滅亡朝威遠暢邊亭靜謐朕君臨寰宇志在含弘不  
欲因彼危亂絕其宗祀乃立伏允之子大寧王慕容順  
撫招餘燼守其舊業而順曾不感恩遽懷貳志種落之  
內人蓄怨憤遂創文義即加剿絕雖復權立其子所部  
又致攪亂竟動干戈各行所欲朕憂勞兆庶無隔夷夏  
乃睠西顧良用矜惕若不星言拯救便恐塗勞未已兵

部尚書潞國公侯君集等咸才兼文武寄深內外嘉謀  
著於廟堂茂績書於王府必能宣風闡外克定遐夷量  
其事機綏撫經畧分遣使人明加曉諭如有不遵朝旨  
致興異圖即合精銳隨便剪撲盡威懷之道稱朕意焉

討高昌王麴文泰詔

明罰勅法聖人垂懲惡之道命將出車王者成定亂之  
德故三苗負固虞帝所以興師鬼方不恭殷宗所以薄  
伐朕嗣膺景命君臨區夏弘大道於四方推至誠於萬

類憑宗社之靈藉股肱之力億兆獲乂封疆無虞建木  
疎林山經靡記之域幽都大夏王會不書之君莫不革面  
內款屈膝請吏襲冠帶於魏闕均貢賦於華壤而高昌麴  
文泰猶為不軌敢興異圖事上無忠款之節御下逞殘  
忍之志往經朝謁備加恩禮溪壑難滿曾無報効禽獸  
為心遽懷兇狡詔命之嚴稟承之誠既闕王人之重祗  
敬之禮亦虧自隋季道消淪喪衣冠之族疆場之人或  
寄命諸戎或見拘寇手及中州既定皇風遠肅人懷首

丘途經彼境皆被困繫加之重役忍苦遐外控告無所  
又伊吾之右波斯以東職貢不絕商旅相繼探書遭其  
寇攘道路由其擁塞又西蕃突厥戰爭已久朕愍其亂  
離志在安戢乃立頡利姪可汗兄弟庶令克復舊基文  
泰反道敗德世安好禍間譁酋豪交亂種落遂使羶裘  
之長亟動干戈引弓之人重罹塗炭又焉耆之地與之  
隣接文泰疾其盡節輕肆凶威城池有危亡之憂士女  
嬰叔掠之酷加以虐用其衆毒被所部官罰無章內外

嗟怨善造宮室勞役日興修營輿輦僭侈無度法令深刻賦歛繁重舉手動足咸觸網羅畜牧園果悉有征税衆力既盡人財已竭饑寒總至憤歎盈途比室運甕不勝苛政故老悲愁思霑王澤朕受命上玄為人父母禁暴之道無隔內外納隍之慮切於興寢錄其舊勲仍懷愍憐所以頻遣使人具申朝旨勗以為善之規示以自新之路庶知感悟無煩師旅而昏迷遂性荒怠不悛貫盈之釁既稔滅亡之期已及况復文武具僚戎狄君長

請事君長者相屬懷逐雀者比肩宜順夷夏之心以申  
弔伐之典討凶渠之多罪拯無辜之倒懸今遣交河道  
行軍大總管吏部尚書侯君集副總管兼右屯衛將軍  
薛萬鈞副總管左屯衛將軍薛孤吳兒行軍總管武衛  
將軍牛進達董率衆軍弘宣廟畧乘驛進路同會虜庭  
莫不氣奪風雲精貫日月援枹懷憤拔距爭先良將奮  
建瓴之威銳卒効如貔之勇冀馬燕犀猶迅雷之震擊  
雲梯地道若至神之變化以此制敵事等摧枯以此屠

城易於反掌然朕矜憫之心有懷去殺勝殘之道無忘  
好生文泰面縛軍門泥首請罪特弘焚櫬之澤全其將  
盡之命自餘臣庶棄惡歸誠並加撫慰各令安堵以明  
逆順之理布茲寬大之德如其同惡相濟敢拒王師俟  
盡大兵之勢以致上天之罰明加曉諭稱朕意焉

貞觀  
十三

年十  
二月

### 討高麗詔

行師用兵古之常道取亂侮亡先括所貴高麗莫離支

蓋蘓文殺逆其主酷害其臣竊據邊隅肆其蜂蠆朕以  
君臣之義何忍若不剪誅遐穢何以懲肅中華今欲巡  
幸幽薊問罪遼碣行止之宜務存儉節所過營頓無勞  
精飾食惟充饑不須嘉饌水可涉度者無假造橋路通  
行者不勞修理御營非近州縣學生父老等無煩迎謁  
隋室淪亡其源可覩良由志畧乖於遠圖兵士疲於屢  
戰政令失度上下離心德澤不加於匹夫刻薄彌窮於  
百姓當此之時也高麗之主仁愛其民故百姓仰之如

父母煬帝殘暴其下故衆庶視之如仇讎以思亂之軍  
擊安樂之卒務其功也不亦難乎何異入水而惡其濡  
踐雪而求無跡朕緬懷前載撫躬內省昔受鉞專征提  
戈撥亂師有經年之舉食無盈月之儲至於賞罰之信  
尚非自決然猶所向風靡前無橫陣蕩氛霧於五岳剪  
豺狼於九野定海內安蒼生然則行軍用兵皆億兆所  
見豈虛言哉及端拱巖廊定策帷扆身處九重之內謀  
決萬里之外北殄匈奴種落有若摧枯西滅吐谷渾高

昌易於拾芥包絕漢而為苑跨流沙以為池黃帝不服  
之人唐堯不臣之域並皆委質奉貢歸風順轍崇威啟  
化之道此亦天下所共聞也況今豐稔多年家給人足  
餘糧栖畝積粟紅倉雖足以為兵儲猶恐勞於轉運故  
多駟牛羊以充食人無裹糧之費衆有隨身之廩如斯  
之事豈不優於曩日加以躬先七卒親決奇謀使攻無所  
守戰無拒畧言必勝之道蓋有五焉一曰以大擊其  
小二曰我順而討其逆三曰我安而乘其亂四曰以

我逸而敵其勞五曰以我悅而當其怨何憂不克何憂不  
摧布告元元勿為疑懼耳

貞觀十八  
年十月

### 親征高麗詔

觀乎天道鼓雷霆以肅萬物求諸人事陳金革以威四  
方雖步驟殊時質文異制其倡攻殺禁暴虐戮干紀討  
未賓莫不仗義而申九伐文德昭於率土因時而董三  
令武功成於止戈朕祇膺寶厯居臨宇縣憑宗社之靈  
藉卿士之力神祇儲祉夷夏宅心故上柱國遼東郡高

麗王高建武夙效丹款早奉朝化忠義之節克著於岬夷  
職貢之典不愆於王會而其以莫離友蓋蘓文包藏凶  
慝招集不逞潛與計謀奄行弑逆冤酷纏於穢貊痛悼  
徹於諸華纂彼藩服權其國政法令無章賞罰失所下  
凌上替遠怨邇嗟加以好亂滋甚窮兵不息率其羣兇  
之徒屢侵新羅之地新羅喪土憂危日深遠請救援行  
李相屬朕愍其倒懸之急爰命輜軒之使備陳至理喻  
以休兵曾不知改莫遵朝命窺窬亭障首鼠窟穴完聚

更切賦歛尤繁丁壯盡於鋒鏑羸老瘳於坂築久廢耕  
桑咸罹饑饉生肉表異顯其亡微雨血為妖彰其數盡  
比室愁苦闔境哀惶華髮青衿不勝苛政延頸企踵思  
霑王澤昔有苗弗率勞大禹之駕葛伯仇餉動成湯之  
師況亂常巨寇紊三綱而肆逆滔天元惡窮五刑而莫  
大者哉朕所以宵分興慮日時忘食討罪之懷既深於  
投袂救人之義彌軫於納隍類上帝而戒途詔夏官而  
鞠旅可先遣使持節遼東道大行軍總管英國公勣副

總管江夏王道宗士馬如雲長駟遼左奪夷岳之威屠  
蛇豕於險瀆成建瓴之勢斬鯨鯢於鏤方行軍總管執  
夫思力行軍總管契必何力等率其種落隨機進討契  
丹藩長于句榆溪藩長蘓支燕州刺史李玄正等各率  
其衆絕其走伏使持節行軍大總管張亮副總管常何  
副總管左難當等舟楫相繼直指平壤新羅王金善德  
傾其城邑竭其府藏荷不貲之澤復累業之讎出樂浪  
而衛腹心臨沃沮而蕩巢穴百濟王扶餘義慈早著丹

赤深識時機棄歷稔之私交執順動之公義羸糧蓄積  
惟命是從凡此諸軍方里齊舉頓天羅於浦缺橫地絡  
於遼陽朕然後經塗白狼之右親巡玄菟之城執金鼓  
而戒六軍載太常而麾八陣使流湯者魚爛掘炭者冰  
消誅渠魁於惡稔弔黎庶於崩角其或擁衆立功或間  
行自援宜弘寬大各復農土有勞者當加其賞懷能者  
不滯其才如其長惡莫悟迷途遂往斧鉞既下必嬰喪  
元之悲玉石一焚徒致噬臍之歎宜宣朕旨咸使聞知

貞觀十八  
年十二月

高麗班師詔

朕聞之聖人慎罰觀兵於再駕明王舉事制勝於三年合  
諸侯以討逆既擒而且縱總海內以除殘臨刑而止殺  
其故何哉信由上天之德曰生王者之師曰義是以網  
開三面干舞七旬豈有恣欲凌威取鯨鯢而竭澤覆巢  
採穴罄靡卵以塗原者乎憬彼夷島僻居鯨壑晉皇淹  
駕纔克一城隋帝頻師淪兵百萬朕光承寶曆司牧普

天陶化紫宸法兩儀而尊俗推心黔首徇方寓以勞神  
纖介不安終宵輟寢蠻貊未入日旰忘飡是以遠涉天  
涯比焦原而未險長驅若木譬平圃以非遙憤角遼陽  
躬親節度撻金海表震曜靈威尅其玄菟橫山蓋年磨迷  
遼東日巖沙卑陵谷銀山后黃等合一十城凡獲戶六  
萬口十有八萬覆其新城駐驛建安三大陣前後斬首  
四萬餘級降其大將二大裨將及官人酋帥子弟三千  
五百人兵士十萬人並給陳陳糧放還本土又獲馬牛各

五萬館穀十旬不假運糧之費徒兵累萬咸發兼乘之  
歌自夏涉秋係虜相次由燕及薤負載不絕緬惟湯文取  
亂常懷偃伯之心虞夏勝殘實弘光被之美有懷戢武  
再造何忘但以賊帥莫離支猶不授首本圖未果志無  
旋旆忽屬徼外霜嚴海濱寒沍念茲兆衆便命班師朕  
所向必摧上靈之祐也所攻無敵勇夫之力也方且仰  
酌玄澤展大禮於郊禋念此勤勞錄摧鋒於將士有勲  
者別頒勞命無勲者並加優卹諸渡遼海人應加賞命

及優復者所司宜明條例具狀奏聞朕將親為詳覽以

申後命

貞觀十九年十月

命呂休璟等北伐制

蘓頌

門下朕聞守在四夷蓋安人以和衆加於百姓豈窮兵而黷武然則日之所出弗俾於化故知天之所討必龔其罰自默啜虔劉肆暴桀驚反常獨為匪人假命驕子者有歲時矣雖奉書就邸或遵於聲朔而控弦犯塞已毒於疆場朕惟務懷柔每在含忍遂使庶邦憤積其六

月之師逋寇禍盈窮此百年之運金山道前軍大使特  
進賀臘毗伽欽化可汗突騎施守忠名寵外藩志勤中  
國無遣弟古監衛將軍守節長駟沙漠直指金微默啜  
舉其種類來相抗拒殪於鋒鏑之下已若亂麻遠憑於  
廟堂之上將同破竹堅昆在右犄角而東並累獻封章請  
屠巢穴朕又聞不得已而用者孰若兵機不可得而違  
者廼符人事永言取亂宜戒征徂右領軍衛將軍兼檢  
校北庭都護卒宋鎮守使安撫十姓呂休璟心堅鉄石

氣橫風雷始則知戎之類利得晉卿終而遂虜之功永  
邀漢將為金山道行軍大總管北庭副都護郭虔瓘安  
處哲等懷才抱器蓄銳俟時慣習軍容備知邊要並可  
為副大總管領瀚海北庭碎葉等漢兵及驍勇健兒五  
萬騎金山道前軍大使特進賀臘毗伽欽化可汗寔騎  
施守忠領諸蕃部落兵健兒二十五萬騎相知計會遂  
便赴金山道行軍大總管右武衛大將軍攝右臺大夫  
同中書門下三品上柱國韓公張仁亶文武將相莫之與

京心腹爪牙是所繫賴當分闡之任受昇壇之律嘗願  
親先士卒不令賊遺君父與大總管右兼門衛大將軍  
魯受信等將蕃漢兵募健兒或用絕羣飛騎城傍等十  
五萬騎赤水軍大使涼州都督司馬逸客外寬內明正  
辭直道標慷慨之節曾不顧身蘊經營之志期於盡敵  
右武衛將軍陳家丘右金吾衛翊府中郎將李玄道副  
使左驍衛廐陵府折衝能昌仁左衛神山府陳義忠等  
領當軍及當界蕃漢兵馬募健兒七萬騎豐安軍大使

靈州都督甄蔡副使張趙壁常元寂等領蕃漢兵六萬騎  
防禦郡牧大使臨洮軍使甄亶領當軍莫門積石等軍  
馬募及秦蘭渭城等州大家子弟總二十萬騎建康軍  
使甘州刺史李守微玉門軍使肅州刺史湯嘉惠墨離  
軍使瓜州都督李思明伊吾軍使伊州刺史李眷交等  
各領當軍兵馬與宸騎施守忠呂休璟等計會共為表  
裏莫不運其長策悉心而効六奇接以短兵指掌而論  
七縱使天陣齊舉雲旛設賈勇於飲酌之夫一以當萬揚

威於汗血之騎左縈右拂威繫龜斬蛟曳牛佩豕必能  
力歛窮海聲壓大荒刈谷蠹之庭拔權渠之壘不遑渭  
橋之拜已覩陰山之哭然則持旌節金鼓者所以問不  
賓誅首惡而比夫不誠復迷則凶俾存開網之仁預軫焚  
岡之歎休璟所須兵馬甲杖一事已上仍依別勅處分  
主者施行

景龍四年五  
月十五日

命姚崇等北伐制

黃門朕聞上古聖王之致理則教之以戰陣之以兵蓋

威不恭而服不順也故始於禁暴終於偃戈迫斯不得已  
而用之朕以寡昧誕膺鴻業思欲率於動靜歸之教化豈  
要荒之外棄為匪人而亭育之中視則如子罔不遵我  
文軌終其貢賦歲時相望道路抵屬而默啜素稱裂驚鳴  
鎬於狼居頃自懷柔獻書於象魏朝廷所以許其通好  
議以和親使臣累齎賚繒帛侍子今襲冠帶庶中國無  
事長城罷守戢於干戈而銷劍戟者朕之意焉豈謂我  
盟不渝爾約斯背伊庭之際遂敢侵軼西北偏隅尚聞嘯聚

雖摧其精銳而困於圍迫此不虞之失朕嘗憐之犬羊  
無親不可恃信而輕敵熊貔有勇威能宣威而制勝朕  
由是詢卿士之奏攬英雄之心謀元帥而得佐軍恢遠圖  
而舉長策隨時之義其在豫乎兵部尚書兼紫微令監  
脩國史上柱國梁國公姚崇天假其才日新厥德禮義  
為質居有四科謨猷是光坐知千里以仲山甫之操管  
夷吾之能智湧泉而不窮精貫日而逾厲信廟堂之柱  
石鼎鑲之鹽梅必能奮爾六奇光我三傑可持節靈武

道行軍大總管內諸軍咸受節度右領軍衛大將軍兼  
檢校單于大都護鎮守軍使張知運寬厚沈毅外方內直  
威而勇決自攝單于之臺惠則撫循咸仰將軍之樹可中  
軍副大總管權檢校原州都督李欽憲家承將相器兼文  
武求古人之節臨事不回讀前聖之言好謀而斷可左軍  
副大總管檢校左威衛將軍靈州都督呂休璟慣知邊  
要久探戎律誠期報國去病安用家為奮不顧身伯昭  
不使遺賊可副大總管左騎衛將軍論弓仁古金吾衛

大將軍勿部珣左領軍衛郎將攝本衛將軍張真楷單  
于副都護臧懷亮右領軍衛中郎將王海賓前朔州刺  
史劉元楷右武衛郎將楊楚客并州定清武果殺元蕭  
然等頗收為用關張其敵懷才倜儻嘗邀百勝之功立志  
經營備習九章之訓弓仁及珣並可前鋒總管真楷可  
左虞侯總管懷亮可右虞侯總管海賓元楷楚客蕭然  
等並可行軍總管太僕少卿田崇壁鄜州刺史韓思復  
等強力從政精心在公知無不為利有攸往入數事典

省閣稱其閑練出綜條察吏人畏其嚴明崇壁可兼行  
軍長史思復可兼行軍司馬兵部郎中李休光司勳郎  
中張敬中兵部員外郎楊欽明江州別駕李邕等或特  
達珪璋所謂登壇之寶或翩翩書記曾聞及雷之詞可  
以光贊出車弘宣入幕並可行軍判官靈武軍兵加滿  
十分人舊馬既少宜於內外閑廐抽添馬添滿六萬足  
原夏等州要害處亦量加馬其後軍兵六萬人馬二萬足  
先來點定宜令衛尉卿李延昌左羽林將軍楊敬述等

至冬檢閱且當處團結待後進止其有先鋒破賊斬馘  
摧堅功效灼然者並委軍將使定功賞不須定以常格  
總管以下有損失兵馬不能力戰棄軍逃命者便斬其  
有棄軍入賊不能死節者妻子依叛緣坐法凡此和衆  
誓於師兵統燕犀冀之雄屯斬蛟擊龜之勇金鼓沸野  
旌旗彗雲豈式過於河塞方震驚於沙漠於是乎單醪  
以信之芳餌以賞之戮楊干之僕必行其令持穰苴之兵  
不枉其法堅壁清野投石而有餘追奔逐北則掃塵而無

類俾權宜於閫外仍布告於天下暨勞永逸在此行焉

主者施行

開元二年二月二十八日

命薛訥等與九姓共伐默啜制

黃門朕聞天所與者奉天命而不違人所棄者順人心而致伐由是古先帝王光宅區縣實仗威武用清荒戍時義遠矣默啜以叛亡餓隸凶刃遺孽敢迷聲朔獨匪君人禍皆所居妖不自作舉其巢穴盡其離心瞻我闕庭相望南面猶竄身於寒苦且寄命於旬時當寇運之已窮

在軒兵而可逐九姓部落等忠誠貫日義烈聞風數其擢  
髮之僭成於屈指之計請除驕子累遣使臣摧鋒而願  
先駟蓄銳而期後命右羽林軍大將軍朔方道大總管薛  
納左衛大將軍安北副大都護郟王府長史平郡公張  
知運右羽林軍將軍兼京都督赤水大使楊敬術右驍  
衛將軍大武軍大使干仁誓右武衛將軍大使杜賓客  
豐州都督西受降城呂休琳東受降城使邵宏左金吾  
衛大將軍回紇伏帝匐左衛大將軍渾元忠佐武衛大

將軍以和舒右武將軍兼賀蘭州都督契苾承祖等或  
出將入相有經濟之才或敦詩說禮有韜鈴之算或嫖  
姚仕漢有遮虜之勲或由余入秦有伐戎之策謀彼元  
帥擇於左軍可以授旗遂行推轂而進訥可中道大總  
管賓客宏休琳等為副知運可東道大總管弓仁誓等  
為副敬述可西道大總管伏帝匄元忠和舒承祖等為  
副各領馬步五萬人馬九姓計會三軍既整百道齊入  
吳鈞楚練照曜陰山之峯冀馬燕犀張皇窮漢之地況彼

寇惡積我師義動知存亡者觀其兆摧枯朽者鮮其力  
庶使疆場罷侯從此息人邊鄙不虞因而盡敵布告天  
下咸遣知聞主者施行

開元四年  
正月二日

### 討回鶻制

天之所廢難施繼絕之恩人之所棄當用侮亡之道朕  
每思前訓豈忘格言回鶻比者自恃強梁久為桀驁凌虐  
諸部結怨近鄰紆圻斯潛師彗窮居瓦解種族盡膏於  
原野區落遂至於荆榛今可汗逃走失國竊號自立速

踰沙漠寄命邊隍朕深念傷殘尋加賑卹每陳表章多詐諛  
之詞接我使臣如全盛之日無傷禽哀鳴之意有困獸  
猶鬪之心去歲潛入朔州大掠牛馬今春掩襲逼近城  
池可汗皆自率兵首為寇盜不耻破敗莫顧姻親河東  
節度使劉沔料敵伐謀乘機制勝發胡貉之騎以為前  
鋒塞翎侯之旗戈彼在穴短兵鏖於帳下元惡軼於馭  
中况乘非六羸衆纔一旅儲備已竭計日可擒大和公  
主居處不同情義久絕懷土多思亟聞黃鵠之歌失位

自傷寧免綠衣之嘆念其羈苦常軫朕心今朕已於豺狼再見宮闕上以據宗廟之宿憤以慰太皇太后之深慈永言歸寧之樂良用欣感其回鶻既以破滅義在剪除宜令諸道兵馬使司進討河東立功將士已下優厚賞給續條流處分應在京外宅及東都修功德回鶻並勒冠帶各配諸道收管其回鶻及摩尼寺莊宅錢物並委功德以御史臺及京兆府各差官點檢不得容諸色人影占犯者並處法錢物納官摩尼寺僧委中書門下條

流奏聞於戲昔漢宣帝值匈奴乖亂推亡固存呼韓單于  
携國歸命入朝保塞漢后所以有擁護之恩郅支單于背  
叛禮義傷毀威重漢史所以明可誅之罪二虜禍福皆自  
致焉四夷百蠻當以為鑒布告中外深體朕懷

會昌三年正月

### 平亂

### 破高麗詔

五兵爰始軒皇戰於阪泉七德攸基唐帝尅於丹浦莫  
不降兇剪暴道濟生靈斥土開疆威加四海朕欽承寶

歷削平天下六合之內咸以為家三光所臨義無不照  
是環埤之表咸森森以航琛琬寓之中盡顛顛而輦賁  
而島夷陪隸虐殺其君毒被朝鮮災罹穢貊幼孤者不  
可苛暴忠槩者仰我來蘓朕言念匪人深懷夕惕親御  
戎軒躬執金鼓意在以殺止殺仁被於羣生用刑清刑  
義戡於不惠廓滔天而調雨露禽猾夏以正封疆用此  
佳兵事非獲已仰申天罰遂乃龔行先命行軍大總  
管英國公勣行軍總管張儉等率領驍銳元戎啓行北

狄西戎之君咸為將帥奚靈契丹之旅北充甲卒如貔  
億計躍馬千羣總管萃遼東之城攻其南面副大總管  
江夏郡王道宗第一軍總管號國公張士貴等率五陵  
之勁卒董六郡之良家分麾引道攻其西面申命前軍  
大將軍夔國公弘基等分絕猛士填其濠塹賊城臨地  
險激梁水以環流聳堞陵雲壓頽山而靡懼於是雲  
羅四合地道九攻危城倏以復隍湯池俄而失險猶且  
析骸窮壘壁巢幕以偷安轉骨深溝坐積薪而待燎愍

其塗炭申其再造頻加誨誘固執迷途由是猛士衝冠  
壯夫挺劍咸頓首於馬前請因機而電掃難違衆議爰  
詔許之乃分命諸軍四面雲合朕登高遠矚授其節度  
又命檢校太常卿鄂國公敬德領黃門之軍樂奏玄雲  
之雅歌將帥聞之增憤士卒由其作氣凍雨初晴驚風  
漸急聊命縱火數處潛燃焚其樓雉並為煨燼合城男  
子面縛軍門取彼渠魁屬于司敗千載逋寇一朝清蕩  
斯並宗廟降靈上玄幽贊忠臣猛將盡節陳謀勁卒勇

夫輕身効命叶同心力成此大功豈朕一人獨能致此  
今茲克捷普天同慶宜令頒下咸使聞知

貞觀十九年四月

降高麗頒示天下詔

上天之道先德而後刑王者之師有征而無戰是以炎  
農剪暴夙沙自縛其君玄乙興師有苗不固其險朕勞  
神濟物以百姓而為心則天弘化環四海而開宇義非  
獲已由是舉兵每蓄哀矜深存宥罪自濟遼水先令告  
喻而蓋牟不革其面遼東猶抗其斧既觸天網遂縱兵

鋒未展鷹揚已皆魚爛朕乃鼓行乘勝師次日巖凶徒  
相率登陴拒守因山構壘仰切浮雲縈澗沉隍下臨無  
地妖氛蝟聚如憑劍閣之深同惡鴟張若負洞庭之險  
乃命行軍大總管英國公勣等統阻垠冠雞之將率擊  
鼉斬蛟之士發石甚於星隕樓毀同於山壞朕憫彼  
同焚情深惻隱親御八駿責効三軍賊既倒懸方思轉  
禍積甲齊於熊耳獲庚方於海陵建十州之旗各復於  
桑梓反三韓之士不易於農肆焚櫬錫爵駘馳遼海之

間鑿井耕田編列下辰之野古人有言曰全國為上蓋  
斯之謂焉又燕碣土風素多霖霖軒皇遭召霧之師晉后  
苦涌水之失自朕出師上靈幽贊旭日澄霽霽雲輟陰  
所指未有堅城所向乃無完陣天道人事義等合符窮  
穴傾巢庶將非遠宜以大慶頒示普天

貞觀十九  
年三月

### 破高麗賜酺詔

上帝明威鼓雷霆而震曜先王仗順用甲兵而弔伐故  
能經綸九野清滌八荒二十七征玄王創其鴻業五十

二載黃運垂其大名騰有國之英猷光列代之通典朕  
荷構乾象大庇羣生池濛汜而菟扶桑紐八紘而疆日  
域蠢茲皮服敢亂天常但折彼螽肱何俟五丁之力射  
其雀目無假萬努之機然以先聖救焚成言如在自惟  
已任是用躬親故知矢石交前非勝巖廊之道介胄為  
飾不建旒冕之容若命將以授戈愧奉身而役物親征  
而沐雨務形勞以安衆一儀宜鑒所向弗違自涉遼陽  
受降之城累築曾未期月獻凱之歌日奏傳烽告捷異

往昔之照甘泉資敵為糧矯向時之挽紅粟復以今日中  
攻其安巾城重圍四布勢同三版之危縣命短辰哀其  
守陴之哭高麗偽主掃其境內罄茲驍銳咸登徒軍  
爰自平壤長馭影渡有徒十五萬連旗三十里烟火稽  
天若黃虵之吐霧殷騎橫野邁赤蟻之為羣朕心計利  
其地形屈指籌其破日分命衆將各稟新書臨事設  
奇因機制變行軍大總管李勣率總管國公張士貴等  
馬步軍十四總管當其西南面又命馬步軍趙國公無

忌率馬步軍二十六總管馳自東谷合其來道抵背扼  
喉塞其歸路朕乃潛師偃旆登於北山候彼交鋒於茲  
聳轡若處中天之樹俯周官於目前如登大岳之岑觀  
魯邦於掌內出其不意凶徒遂擾初為一陣四拒勦軍  
及此三分因而大潰流血川溢滄波為之暫丹斬級彌  
山髀骨以之成岳蓋由鏑鋒交下玉石同湮雖則可哀  
理無無濟其兵將大耨薩延壽惠真率其餘衆一時輸款  
但高麗國政本二人今總委偽軍隻輪不返大慶允集

益深祇懼可歸美清廟昭告懋功頌示萬邦賜酺三日

貞觀十九  
年六月

收復河湟德音

自昔皇王之有國也何嘗不文以守成武以謀事參謀諸  
二柄歸乎太寧朕猥荷丕圖思弘景業憂勤戒惕四載  
於茲每念河湟土疆綿亘遐闊天寶中大戎乘我多難  
無力御奸遂縱腥羶不遠京邑事更十葉時近百年進  
士試能靡不竭其長策朝廷下議皆亦宜其直詞盡以

不生邊事為本圖宜守舊地為明理荏苒於是收復無  
由今者天地儲祥祖宗垂祐左衽輸款邊壘之降劇耻  
達功所謀又尅實賴樞衡妙算將帥椎稜副玄元不爭  
之文絕漢武遠征之悔甌脫頓空於內地斥堠全據於新  
封莫大之休指期而就况將士等櫛沐風雨暴露郊原  
披荆榛而刁斗夜嚴逐豺狼而穹廬曉破動皆如意古  
無與京兆此誠樸宜加寵賞涇源宜賜絹六萬疋靈武  
宜賜絹五萬疋鳳翔邠寧宜各賜絹四萬疋並以戶部

產業物充仍待李榮叔明李玘君緒各回戈鎮度支差  
脚支送四道立功將士具名銜聞奏當議恩酬其秦威  
原三州送七關側近訪聞田土肥沃水草豐美如百姓  
能耕墾種蒔五年內不加稅賦五年后已量定戶籍使  
任為永業其京城有犯事合流役囚徒自今已後一切  
配各處收管溫池鹽利可贍邊陲委度支制置聞奏鳳  
翔邠寧靈武涇原四道長吏能各於鎮守處遣官健耕  
墾營田即度支給賜牛糧於每年量得斛斗多少便充

軍糧亦不限納足數二州七關鎮守官健每人給衣糧  
兩分一分依常年例支給一分度支給仍二年一替換  
其家口委長吏切加委存官健有莊田戶籍者仰州縣  
放免差役秦州至隴州已來道路要置堡柵與秦州應  
接李玘與劉舉即便度計聞奏如商旅往來興販貨物  
任澤利潤一切聽從關鎮不得邀詰其官健父兄弟  
通傳家信開司並亦不得邀詰阻滯如要墾闢種田依  
百姓例處分三州七關如少器械長吏量與據所在申

奏除刺史開使後三五月內差人巡檢如有修築部署課績久深并訓練有序者其刺史開鎮使雖新除官爵亦更與超昇其官健節級更與優賞山南西道劍南山川邊界有沒蕃州縣量力收復其兵士委本道差遣如要錢物接借亦具聞奏三州七關創置成九十且要務靜如有邊寇羌戎潛來博易輒不得容納委刺史切深禁斷或有投降吐蕃到邊上收取本道令長奏取進止嗚呼七閼要害三郡膏腴候館之殘址可尋唐人之遺風

尚在追懷往事良用興嗟夫取不在廣貴保其金湯得  
必有時詎計於遲速今則便務修築不進干戈必使足  
食足兵有備無患載洽亭育之道永致生靈之安中外  
臣寮宜體朕意

平党項德音

冒法干紀豈限於華夷伐罪弔民固資於典訓朕端拱  
御宇六年於茲兢兢業業不敢怠忽常恐一物失所羣  
心靡寧旰食宵衣思底於道屬者以党羗恣為侵叛尤

若農桑朕為民父母豈無憫惻雖傷財害物非朕  
躬之願而禁暴定功實武經之要是以爰興師旅恭  
行天討而兇渠稔惡稽曠歲時師宿既勤物力將屈賴  
宗社儲祉中外叶心大搜妖巢盪定關隴誠殫財而凋  
力亦暫費而永寧今則軍功以成制置將就息民解甲  
固在及時捨罪緩刑所宜布澤南山党項為惡多年化  
諭不悛頗為邊患既興兵士經歲討除拒官軍者悉就  
誅擒懼法令者皆復逃竄大開湯網已施去殺之仁遠

並堯時寧限可封之屋今聞殘寇無所依歸皆是王民  
豈忘惻憫其南山黨項已出山者或聞迫於饑乏猶行  
劫奪平夏不容無處居住今委李福丑先遣蕃官安存  
招誘令就夏銀界內指一空閑白地居住所有從前掛  
涉惡跡者令一切不問惟再犯疆界劫入山林或不從  
指揮即召募平夏黨項討逐議不容捨如能革心向化  
願同平夏即輸誠獻款跡効分明撫馭之間便同赤子  
如有屈事即任於本鎮投告論理仍各令本界遣了事

軍將安存平夏党項素聞為善旬月已來發使安撫  
尤見忠順一如指揮更不猖狂各守生業自茲必令永  
載恩信長被華風或聞從前師在多懷貪尅部落好惡  
悉被誅求無故殺傷致令怨恨從今已後必當精選清  
廉將帥撫馭羗戎明下詔條漸令知悉靈鹽夏州邠寧  
鄜坊四道官吏自用兵已來責辦公事亦甚辛勤軍將  
皆已得官文吏未酬勞績宜令每道揀選公勤有勞  
効官吏具名銜聞奏有官差者與依資轉遷無官差攝

者當與正官仍具差攝年月申奏直須公當不得轉授  
囑托如是將帥親情亦須具言四道百姓徵歛不時差  
役至多疲瘵亦甚或屋宇被賊焚燒至於桑麻亦遭所  
伐生業既失須加安存宜各給復三年其無屋可居無  
牛可耕者委長吏量事接借一一奏聞仍須早設法招  
攜速令歸復勿令豪富便占產業為主自用兵已來諸  
道應徵發之處所有將健或亡鋒刃或存被瘡痍雖經褒  
贈及曾優卹委本道更加存撫或因廢疾不任在公者

終身不停衣糧如情願迴於與子孫兄弟甥姪者便與  
補替應討伐完項諸道在行營將士已頒賞賜使邊上  
制置司叙績節級放還仍委本道叙錄其名聞奏當議  
甄獎自用兵已來京畿與鄜坊邠寧兩道接界及當路  
諸縣差役繁併物力凋殘若無優矜必難存立其今冬  
季夏稅錢及青苗錢每貫量放三百文其斛斛量放一  
斗仍委京兆尹差官仔細磨勘其或雖在鄉村不曾經  
供應者不在准例放限仍一一條件等第聞奏如是分

路處就中更校偽併者重加優卹必使均平其所放錢  
及斛斛委戶部以實錢支填仍令京兆府各下諸縣散  
榜鄉村要路曉示百姓務令知悉用兵已來城鎮曾遭  
陷沒官健百姓應被殺傷親戚既無遺骸在野委所在  
長吏差人為收檢如法埋瘞仍量事致祭應有增修城  
鎮添置堡戍委所在將帥擇其要害絕彼窺覷坊務堅  
完令可固守邊上不以兵器作部落博易從前累有制  
勅約勒非丁寧近年因循都不遵守自今已後委所

在開律鎮鋪切加捉搦不得輒有透漏其有犯者推勘得實所在便處極法其所經過州縣關津鎮鋪節級痛加懲責議無容貸其間或情涉隱欺准所犯人處分党項本是邊氓只合州縣撫馭致令一朝侵叛由於處理乖方既往不可加刑從今必欲行法自此後邊上逐界皆已有制置把捉如或更有羗寇侵盜即是將帥依前貪求當先加罪於本界邊將然後剪逐寇賊通商之法自古明規但使處流行自然不煩饋運委邊鎮宜切招引

商旅盡使如歸除禁斷兵器外任以他物於部落往來  
博易應緣徵兵處士馬皆効勤勞亦已各有賞賜其本  
道將帥當續議量加酬獎京畿及鄜坊靈鹽邠寧夏州  
等并涇州鳳翔振武天德等道自用兵已來人頗勞苦  
今頒德澤湏及曲恩應見禁囚徒據罪遞減一等唯官  
典犯枉法賊及賊中持杖劫人雖頒德澤不禁曲恩而  
若輩無故殺人等不在此限如有積年逋賦必加徵督  
不得者長吏條流聞奏准格律大功已上親父女婿外

甥不許連任自用兵已來諸道即將及長吏權宜差親  
表主持公事兵罷之後理當不然三族內親並不得令  
主兵權及充要職如是元本軍先充職長者亦須具名  
聞奏自用兵已來科配百姓事取濟辦多出權宜今既  
罷兵諸道節度防禦刺史及旗鎮使等不得更依前妄  
有科配仍令各具本管侵害百姓事須釐革者作條件  
聞奏自党項擾亂已來所在多被攻劫白刃之下必有  
孝子順孫義夫節婦事跡有可稱者委所在長吏察訪

優卹其家仍具名聞奏將加旌異於戲蠻夷華夏雖有其常規撫馭乖方致煩於薄伐傷夷生靈朕甚愧之是用覃恩以慰勞瘁布告中外咸使聞知

大曆五年二月

### 告廟

### 破薛延陀告廟詔

朕勞形育物盡敬承天蠢動不安櫛風而罔倦荒隅未靜救焚而靡息獨運方寸貫徹上玄凝想晃旒化行夷狄是知惟天為大合其德者弗違謂地蓋厚體其仁者

光被故能彌綸八極函蓋兩儀大帝福謙斯其效矣彼  
勾奴者與開闢以具生奄有龍庭共上帝而並列僭稱  
驕子分天街於紫宸仰應旄頭抗大禮於皇極流殃構  
禍乃於初運凌障犯塞連年壓境射鵬馳騎亟飲渭川  
如豕騰氛頻驚洛汭貽先皇之動色被黎庶之塗原社  
稷為虞軫情何似自朕御天下二紀於茲曩者卿命偏師  
遂擒頡利今茲始弘廟算已滅延陀雖則麾駕出征未  
踰郊甸前駢所輜纔掩塞垣長策風行已振金微之表

揚威電發遠警沙場之外遂使雁山之北無復單于龍  
燭之南大開封域其契苾車苾侯斤及鉄勒諸部落回  
紇胡祿侯利發等總統百餘萬戶散處北溟遠遣使人委  
身內屬請同編列並為郡縣引領翹足暴十月而仰油  
雲延首求哀沉九泉而請營魄朕當暫幸靈州親撫歸  
附弘茲肆赦加以施生頒惠天隅懼威雲朔收其瀚海  
盡入提封解其辮髮並垂冠帶混元以降殊未前聞無  
疆之業永貽來轍古人所不能致今既吞之前王所不

能屈今咸戒之斯實書契未有古今之壯觀豈朕一人  
獨能宣力蓋由上靈儲祉錫以太康宗廟威靈成茲大  
定即宜備禮告於清廟仍以大慶頒示普天俾與黎元

同茲有賴

貞觀二年八月

### 平戎告廟勅

勅邊境為患莫甚於林胡朝廷是虞幾煩於將帥車徒  
屢出芻粟載勞使燕趙黎民畧無寧歲而山戎種落常  
為匪人近有野心窮而歸我曾是懷附每所綏柔而不

變泉聲輒為獸搏幽州節度副大使張守珪等乘間電  
發表裏奮討積年逋誅一朝剪滅則東北之侵便以廓  
清河朔之人差寬征戍皆上憑九廟之畧下仗羣帥之  
功今其凱旋敢不以獻宜擇吉日告九廟所司准式

元年

元開

唐大詔令集卷一百三十